

RESOLUCIÓN DA VICERREITORÍA RESPONSABILIDADE SOCIAL, INTERNACIONALIZACIÓN E COOPERACIÓN, DO 11 DE MAIO DE 2020, SOBRE A CONTINUIDADE DOS PROCEDIMENTOS ADMINISTRATIVOS INDISPENSABLES PARA O FUNCIONAMENTO BÁSICO OFICINA DE RELACIÓNS INTERNACIONAIS

Á vista da disposición adicional 3 do Real decreto 463/2020, do 14 de marzo, polo que se declara o estado de alarma para a xestión da situación de crise sanitaria ocasionada pola covid-19, onde se dispón no seu parágrafo terceiro que «se suspenden termos e se interrompen os prazos para a tramitación dos procedementos das entidades do sector público. O cómputo dos prazos retomarase no momento en que perda vixencia o presente real decreto ou, no seu caso, as súas prórrogas».

O parágrafo terceiro da mesma disposición sinala que «non obstante o anterior, o órgano competente poderá acordar, mediante unha resolución motivada, as medidas de ordenación e instrución estritamente necesarias para evitar prexuízos graves nos dereitos e intereses do interesado no procedemento e sempre que este manifeste a súa conformidade, ou cando o interesado manifeste a súa conformidade con que non se suspenda o prazo».

A citada disposición foi obxecto de novas excepcións polo Real decreto 465/2020, do 17 de marzo, polo que se modifica o Real decreto 463/2020, do 14 de marzo, polo que se declara o estado de alarma para a xestión da situación de crise sanitaria ocasionada pola covid-19, onde se lle engade a esta un parágrafo cuarto no que se sinala que «as entidades do sector público poderán acordar motivadamente a continuación dos procedementos administrativos (...) que sexan indispensables para a protección do interese xeral ou para o funcionamento básico dos servizos».

Segundo o disposto para tal efecto pola Resolución reitoral, do 27 de marzo de 2020, sobre a suspensión de termos e dos prazos dos trámites nos procedementos administrativos da Universidade de Vigo durante o estado de alarma, modificada pola Resolución reitoral do 27 de abril de 2020.

Á vista dos mecanismos e das ferramentas de que dispoñen os distintos servizos e persoal da universidade para desenvolver o traballo de xeito non presencial, así como a posta á disposición de tódolos usuarios da sede electrónica e do rexistro electrónico da Universidade de Vigo desde o pasado 16 de marzo.

Tendo en conta que a Oficina de Relacións Internacionais da universidade ten como función esencial precisamente tramitar mobilidades, e que o seu funcionamento básico se pode ver gravemente prexudicado de manterse unha interpretación restritiva do contido da disposición adicional 3.^a do devandito RD 463/2020, dada a súa prolongada duración,

Esta vicerreitoría resolve

Primeiro. Que se poderán iniciar e continuar os procedementos administrativos obxecto da Oficina de Relacións Internacionais, coa excepción sinalada no punto seguinte.

Segundo. Que os prazos recollidos nos procedementos aos que se refire o punto anterior iniciados de oficio pola Universidade de Vigo non se poderán dar por finalizados ata o momento en que rematen, tras retomar o seu cómputo cando expire a vixencia do RD 463/2020, do 14 de marzo,

así como a das súas sucesivas prórrogas, ou cando así o decida a Reitoría da universidade mediante unha resolución motivada.

Contra a presente resolución, que esgota a vía administrativa, poderase interpoñer un recurso perante a xurisdición contencioso-administrativa, no prazo de dous meses, de conformidade co disposto na Lei 29/1998, do 13 de xullo, reguladora da xurisdición contencioso-administrativa. Este computarase desde o día hábil seguinte á data de remate da declaración do estado de alarma, con independencia do tempo que transcorrese desde a publicación da presente resolución, sen prexuízo da eficacia e executividade desta, consonte o disposto no acto administrativo obxecto de recurso ou impugnación, de conformidade co disposto na disposición adicional oitava do Real decreto-lei 11/2020, do 31 de marzo, polo que se adoptan medidas urxentes complementarias no ámbito social e económico para facer fronte á covid-19.

As persoas interesadas poderán optar por interpoñer contra esta resolución un recurso de reposición, no prazo dun mes, que se computará segundo o indicado no parágrafo anterior, perante o mesmo órgano que a ditou. Neste caso non se poderá interpoñer un recurso contencioso-administrativo ata que sexa resolto expresamente ou se producise a desestimación presunta do recurso de reposición interposto, segundo o previsto no artigo 123.2 da Lei 39/2015, do 1 de outubro, do procedemento administrativo común das administracións públicas.

Vigo, 11 de maio de 2020

O reitor

Por delegación RR 01/12/2018 (DOG 07/12/2018)

A vicerreitora de Responsabilidade Social, Internacionalización e Cooperación

María Isabel Doval Ruíz (asinado electronicamente)